



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

10 Sententia infelicis æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

CONSIDERATIO X.

Sententia infelicis æternitatis.

*Discedite à me maledicti in ignem æternum. Matth. c. 25. 21.*28. *Januarii.*

I. **C**onsidera, quâ invidiâ rumpentur, quo dolore contabescant, quo furore frendebunt; dentibusque stridentibus reprobi, cum videbunt electos in sublime ferri, & gloriosè ad cœlos ascendere, se verò relinqui: an non tunc in eis implebitur illud Psalmi 111. 10. *Peccator videbit & irascetur, dentibus suis fremet, & tabescet?* Quanto cum tremore interim stabunt, decretoriam & irrevocabilem summi Judicis sententiam præstantes? Quanto cum horrore videbunt libros apertos, scelera sua toti mundo distinctè repræsentantes? ideòque malum omnium malorum maximum, id est supplicium æternum pertimescentes? Quanto pavore tunc in eis implebitur scriptura, *Mane, Thecel, Phares?* *Mane:* numeravit Deus vitam tuam, & complevit eam

eam. *Thecel* : appensus es in statera, & inventus es minus habens. Minus rationis, minus virtutis, multum verò amentia, multum crapulae & vitiorum. *Phares*. *Divisum est regnum tuum* : subjicietur enim anima tua & corpus tuum Dæmonibus.

II. Cogita ulteriùs, si & te, quod Deus avertat, contigerit infelicibus hisce, ob scelera tua, annumerari, quanto rubore & confusione repleberis? Quàm terribile tibi accidet, comparere coram Judice omniscio; quem toties graviter offendi- sti? Quàm terribile erit, stare coram Re- ge, cujus majestatem despexisti? Quàm terribile erit adduci ad Redemptorem, cujus sanguinem conculcasti? Quàm terribile erit venire in conspectum Ducis; quem, fugiendo ad hostes, turpiter de- seruisti? Quàm terribile erit consistere coram sponso, cui fidem nequiter viola- sti? Quàm denique terribile erit, Judi- cem hæc exprobrantem audire; ac pro- lata electorum amabili sententiâ, vultu repentiè immutato, & iram, vindictam- que spirante, formidabilem in reprobos sententiam pronuntiare? III.

III. *Tunc dicet & his*, qui à sinistris erunt; *Discedite à me maledicti in ignem eternum, qui paratus est Diabolo & Angelis ejus.* l. c. *Discedite*, prævaricatores, impii, scelesti, refractarii; qui præcepta mea despexistis, & in sceleribus vestris immortui estis. *Discedite*, superbi, invidi, gulosi, avari, & impudici; qui majore mundum, quàm cœlum; carnem quàm spiritum; nummum, quàm Deum, amore persecuti estis. *Discedite à me*, Redemptore vestro, Rege vestro, Patre vestro, Magistro vestro, summo bono vestro. *Discedite à me*, à facie mea; ab amicitia mea, à protectione mea, à regno meo, à visione clara mei, & à perenni honorum omnium fonte. Nec tantùm à me; sed & à matre mea, à sanctis Angelis, cunctisque cœli civibus beatis, quorum Societate indignos vos reddidistis.

Affectus timoris & zeli.

O Verbum tremendum! **O** tonitruum formidandum! **O** vox Judicis suprema, omni tuba clarior, omni lessu tristior, omni turbine violentior, omni fulmine

mine concitator & terribilior! ô si crebrò nunc auribus meis insonares, ad cautelam; præsertim dum sto in peccati præcipitio; ne tunc feries ad perniciem perpetuam! O si assiduè reboares, per Regum aulas, per Senatorum curias, per militum turmas, per mercatorum tabernas, per universas mundi plagas, & saxea peccatorum corda, à sceleribus retraheres, atque ad pœnitentiam emollires & confringeres! O fulmen tremendum! *Discedite à me! Discedite!*

29. Januarii.

I. **P**Erpende, quoque formidabilem illam vocem, *Maledicti*. O quid est hoc, *maledicti*? Maledicti nimirum, non unâ maledictione, sed omni, & omni ex parte: maledicti in anima; maledicti in corpore; maledicti in memoria; maledicti in intellectu; maledicti in voluntate; maledicti in sensibus & membris omnibus; maledicti super terram; maledicti sub terra; maledicti in tempore; maledicti in æternitate: idque jure merito: quia *maledicti, qui declinant à mandatis tuis*. Plal. 118. 21. II.

II. Recole omnes Veteris Testamenti maledictiones, à Deo per Moysen populo Hebræo intentatas: maledictiones in civitatibus, maledictiones in agris; maledictiones in prolibus, maledictiones in pecoribus, maledictiones in omnibus rebus terrenis, umbras solum ac figuras extitisse hujus summæ & extremæ maledictionis. Jam si Esau, paternâ benedictione privatus *Irrugit clamore magno. Gen. c. 27. 34. & contristatus est vehementer: qualem, obsecro, rugitum, planctum, ejulatum emittent reprobi, non tantum benedictione paternâ privati; sed & maledictione insuper æternâ percussi; idque pro vili lente; id est pro momento voluptatis, pro puncto honoris, pro fumo vanitatis, pro frustulo terræ albicantis aut flavescens?*

III. Quæ mens concipere valet, quis dolor, quæ consternatio, quæ desperatio, & trepidatio infelices illos in vasura sit, ad fulminatricem hanc sententiam? Præsertim cum nullum detur remedium; nulla spes appellationis, revisionis, aut evasionis affulgeat; sed effugia cuncta sint
præ-

præclusa, & omnia tentamina sint frustranea? O peccator! Quid tibi videtur? An non hæc est dies iræ, dies calamitatis & miseriæ, dies amara valde? Dies furoris Domini, dies vindictæ; in qua omnis fortis enervabitur, omnis sapientia devorabitur, omnis superbia confundetur; omnia abscondita revelabuntur, & omnia scelera, maledictione perpetuâ plebentur. *Arescentibus hominibus præ timore?*

Affectus horroris.

O Miserrime peccator! Quis, nisi excors, ad hoc maledictionis tonitru, non trepidet & expallefcatur? Hæc est maledictio illa, quàm quivis peccator, dum peccat lethaliter, sibi accersit: hæc est sententia, quam quilibet impius, in hac vita sibi scribit, tunc publicanda. Heu! bone Jesu: si hanc ego mihi scripsero, ubi me abscondam, cum veneris in nubibus cœli, & tubâ clangente, ad tribunal tuum peremptoriè me citaveris? Ubi omnia gesta mea discutientur sine exceptione, judicabuntur sine personæ acceptio-

90 *Domus aternitatis. Consideratio*
ceptione, condemnabuntur sine remis-
sione, punientur sine commiseratione?
O quis mihi, tunc, tribuat, ut in inferno
protegas me, & abscondas me, donec per-
transeat furor tuus? Job. c. 14. 17. Do-
mine, cum veneris judicare, noli me con-
demnare!

30. *Januarii.*

I. **C**ONSIDERA porò illa sententiæ ulti-
mæ verba: *In ignem aeternum.* Ubi
adverte terminum à quo, & terminum ad
quem. *A me, in ignem aeternum.* Non leve
profectò malum foret, ab amabili JESU
facie, expelli in exilium; sed insuper si-
mul deturbari in *ignem sempiternum*,
hoc fanè supplicium est incomparabile.
A me, indicat pœnam damni, quia lethali-
ter peccans, à Deo se avertit: *in ignem,*
indicat pœnam sensûs, quia convertit se
ad creaturas. O qualis ignis, quàm dirus
& atrox! Ignis hic enses, forfices, sagittas,
serpentes, & quidquid in abyssò pœna-
rum est, complectitur; omniâque reddit
quasi ignea; ipsum adeò damnatorum
anhelitum: *Spiritus vester, ut ignis vorabit*
eos. Isaiaë c. 33. 11.

II.

II. In ignem *aternum*. Ergone pro brevi voluptate, ignem *aternum*? Justè sic: quia namque peccatores vitam suam Deo consecrandam, in vitiis, concupiscentiis pravis & corporis voluptatibus insument; & si daretur tamdiu vivere, in æternū in iis persisterent, hinc meritò, plectuntur igne æterno: & quia peccati malitia est quodammodo infinita, cū repugnet Deo infinito; jurè pœna infligitur infinita. *In mensura, contra mensuram, cū abjecta fuerit judicabis eam.* Isaïæ c. 27. 8. Id est *in mensura pœnæ, contra mensuram*, culpæ reprobis judicetur. Discedite igitur *in ignem æternum*; qui semper ardebit, nunquam extinguetur; semper cruciabit, nunquam enecabit: siquidem *Die & nocte non extinguetur, in sempiternum ascendet fumus ejus.* Isaïæ c. 34. 10.

III. *Qui paratus est Diabolo & Angelis ejus.* I. c. Regnum cœleste paratum est vobis: at infernus paratus est Diabolo & Angelis ejus. Ut primū enim Diabolus cum Angelis suis rebellavit; mox in pœnam conditus est carcer infernalis, qui

92 *Domus aternitatis. Consideratio*
quidem etiam ad cruciandos homines
ordinatus est, quoniam tamen Diabo-
lus primū n deliquit, ideo primus ac præ-
cipuus inferni condendi finis exitit.
Hinc Judex ait: *Qui paratus est Diabolo*
& Angelis ejus. Inter quos & cum qui-
bus peccatores vivent & cruciabuntur
semper. Et hic est ille *fluvius igneus rapi-*
dusque, qui egredietur de ore ejus. Dan. c.
7. Estque, ut exponit S. Hieronymus,
ipsa Judicis sententia, efficacissima, & ce-
lerrima instar fluminis ignei, improbos
in tartarum abripiens & absorbentis.

Affectus timoris.

O Cui ad tale fulmen, aures ambæ
non tinniant? O si illā tubā tre-
menda & sententia formidanda, identi-
dem auribus meis insonaret! quā po-
tenter me à malo revocaret, & ad bonum
incitaret? Vide anima mea, quam tibi in
hac vita sententiam scribas; an benedi-
ctionis æternæ, an verò maledictionis
perpetuæ, si hanc elegeris, certò tibi e-
veniet: *Dilexit maledictionem & veniet*
ei, noluit benedictionem, & elongabitur

ab

ab eo. Psal. 108. 26. Nec tota æternitate
 obtinebitur : Sicut Esau postea cupiens
 hereditare benedictionem, reprobatus est ;
 non enim invenit pœnitentia locum, quan-
 quam cum lacrymis quesivisset eam. Hebr.
 c. 12. 17.

CONSIDERATIO XI.

Comites æternitatis.

Beati mortui, qui in Domino moriuntur ;
 amodo jam dicit spiritus ut requiescant à
 laboribus suis : opera enim illorum
 sequuntur illos. Apoc. c. 14. 13.

31. Januarii.

I. **M**orte obitâ & latâ decretoriâ sen-
 tentiâ, mox sequitur sententiæ
 executio : & quidem in extremo die judi-
 cii, quoad corpus & animam ; in particu-
 lari autem judicio, corpore terræ man-
 dato, sola anima ad locum pro merito
 deducitur. Quod si anima penitus ex-
 purgata ac munda sit, deportatur in pa-
 triam cœlestem, si verò reprobationis
 fulmine tacta sit, mox deturbatur in in-
 fernum. Quia contra hanc sententiam
 Judi-